

الوايل الصيب من الكلم الطيب لابن القيم المجلس الثامن | الشيخ محمد خيري | قد أفلح من زكاها

محمد خيري

سلام عليكم ورحمة الله وبركاته الحمد لله رب العالمين له الحمد الحسن والثناء الجميل وشهاد ان لا اله الا الله وحده لا شريك له
واشهد ان محمدا عبده ورسوله. وبعد - 00:00:00

فصبحكم الله بكل خير. واسأله الله سبحانه وتعالى ان يفتح علي وعليكم ويقبل منا ومنكم صالح الاعمال ما زال الحديث حول كلام
الرجل المبارك رحمة الله عليه ابن القيم الذي ترك لنا اثرا قبل رحيله - 00:00:17

وهو هذا الكتاب كما يقول ابن الجوزي ان الكتاب هو الابن الخالد فلا يخفي عليكم ولا تغفلوا عن هذه المعانى نحن الان
مجتمعين حتى نتدارس بشيء تركه قبل الرحيل - 00:00:41

علم ينتفع به ايماك ان تشغل عن اثار قبل الرحيل يقول ابن القيم اه رحمة الله عليه بعدهما ذكر اجتماع العوائق الثلاثة الشيطان والنفس
والهوى على المرء وذكر الاسلحة التي مدها الله سبحانه وتعالى للعبد. قال فان ضعفت النفس عن ملاحظة قصر الوقت وسرعة انقضاء
- 00:01:04

فليتذكري قوله تعالى كانهم يوم يرون ما يوعدون لم يلبثوا الا ساعة من نهار سبحانه الله! ظل الله سبحانه وتعالى يقرب لنا يوم القيمة
حتى قال لنا الساعة يعني خلي بالكم من يوم القيمة. خلوا بالكم يوم القيمة. هل ينظرون الى الساعة - 00:01:34

خلاص يا جماعة الموضوع باقي فيه وقت قليل قوي. جزء يسير او وسبحان الله الله لما اثنى على ابراهيم وذرته من الانبياء
وصفهم بخلق ومعنى هو تاج اخلاقهم بعد توحيدهم قال انا اخلصناهم بخالصه - 00:01:59

الله سبحانه وتعالى شرفهم اخلصهم بشيء. ما هو هذا الشيء اخلصناهم بخالصه ذكر الدار وبالتالي كانوا من المصطفين الاخيار وانهم
عندها لمن المستقيم الاخيار هذا المعنى يا جماعة والله من تأمله وتذكري ارتاح فؤاده - 00:02:23

وآآ سافرت روحه الى راحة الایمان آآ الدار الآخرة دي يا جماعة ان اخلصناه بخالصه ذكر الدار خلاف بين العلماء ما المراد لكن الفكرة
المجملة حضور الدار الآخرة في قلوبهم وفي - 00:02:46

خطابهم في قلوبهم فدائما هم يعملون حتى الغرب يعني صاحب الكتاب العادات السبع والعادة الثامنة والكلام ده آآ كان يقول ان من
علامات نجاح الناس القادة في الدنيا انهم سبعة آآ سبع عادات معينة من ضمن عاداتهم - 00:03:03

انهم يبدأون والنهائية في عقولهم يعني مسلا تلاقي الطالب يقول لك ده فلان ده كان آآ بقى ما شاء الله حاجة كبيرة قوي لانه هو في
ثالثة اعدادي كان كاتب على المكتب بتاعه والدكتور فلان استاذ ورئيس قسم الجراحة العامة مش عارف ايه - 00:03:24

صح من جمال هذا الاسلام ومن اصطفاء الله لشريعة آآ النبي صلى الله عليه وسلم العدنان انه غرس في ان الاسلام يغرس في عقل
كل انسان مسلم الهدف دايما انت بتشتغل عشان الجنة انت بتشتغل عشان ترضي ربنا سبحانه وتعالى. فدایما الصورة النهائية في
زهنك. هكذا ينبغي ان يكون - 00:03:40

فالموضوع ده سبحان الله كان دائمًا موجود عند الانبياء وكان خطاب الانبياء وارشاد الناس كانوا دائمًا يرشدوهم لهذا
الامر ان استحضر دائمًا الصورة النهائية. هل معنى هذا الامر انك لا تعمل ابدا - 00:04:07

بالعكس هذا مما يريحك في العمل يعني انا وانا شغال يجي واحد يديني رشوة يديني فلوس عشان يعني اعدى لي معاملة خطأ فانا
اقول له لا اني اخاف الله تيجي واحدة تتزين ليه وتحاول تتعرض ليها اقول لها اني اخاف الله - 00:04:28

فاروح اشتغل انا ببني بکوبري او ببني في هندسة معينة ولا طرق فيجي واحد يقول لي يا عم الشيخ ما نضرب ونخلط ونعمل ومش
عارف ايه ونأخذ اتنين سنتي من هنا ونعمل كذا اقول له لا - 00:04:49

يا عم الشيخ فيه مقاولة يوم القيمة وربنا قال لي والنبي صلى الله عليه وسلم بلغنا. وانا في الطب اجي اعمل بقى اجهاض ولا اعمل
اي حاجات مخالفة للشرعية اقول لا اني اخاف - 00:05:02

والله. اذا هذا المفهوم هذا الهدف حرك. وسبحان الله يا جماعة ركزوا في الكلام اللي جاي ده اعتقد انه مريح في التزكية هناك قرارات
كثيرة معطلة في حياتك هناك قرارات كثيرة معطلة في حياتك - 00:05:12

سببها انك لا تستحضر الدار الآخرة قرارات كثيرة متاخرة ان شاء الله هرجع تاني البس الحجاب الصح لما اخرج لما كزا
لما كزا لو الدار الآخرة في قلبك حاضرة - 00:05:34

القرار ده مش هيتأخر القرار ده مش هيتأخر مواقف كتير احنا بنتعامل معها ان هي حاجة كبيرة قوي في حياتنا. لأن الدار الآخرة
مففية او او يعني مزلل عليها مغطى عليها - 00:05:58

موقف مسلا انسان تعب او مرض مكبر جدا وملون جدا حياته بهذا المرض وقاعد بقى يقول ما حدش حاسس بي وما حدش كزا
وتلاقى الناس اللي كتبوا كتاب الضحية ده كانوا تقريبا مستحضرينه هو يعني في حياتهم. فدایما هو - 00:06:18

تحضر ان هو الضحية وان هو مأوى كل آآ يعني كل كرب وكل كبد وكل كزا وكل حبيب قلبي انت مكبر الدنيا قوي ليه
ومخلية هي كل مربط حياتك - 00:06:35

الموضوع مش كده اني مثلي ومثل الدنيا كمثل راكب استظل تحت ظل شجرة ثم راح وتركها والله هتركتها في احوج ما تكون اليها
فبلاش تتعامل مع الطريقة دي. دي يا جماعة دي مش دعوة انك تكون كثيب بالعكس. سبحان الله! المتأمل - 00:06:52

في الخوف الصحي. يعني الناس النهاردة ليه بتلبس كمامه اللي بيلبسوا الكمامه دول اهلا هم فعلا عندهم خوف صحي حقيقي. هو
خاف من حاجة فتحصن لها وبيمارس حياته بقى بامان. عنده - 00:07:16

تباعد عنه لبس الكمامه فيبمارس حياته وهو مطمئن. ليه؟ لانه واحد بالاسباب كوييس قوي. لكن المفترض اللي يتواتر اللي مش واحد
بالاسباب خالص داخل الامتحان وهو مريح يعني لديه راحة في باله وعنه رضا وعنه اطمئنان عقلي. ليه - 00:07:31
ليه مش متواتر وقاعد قلقان وقاعد عمال يتصرف عرق ومرعوب لانه مزاكرا ونزل ما عليه وقم بما عليك ولا عليك فهذا الرجل لما بذل
اقبل بقلب مطمئن وروح تعرف قيمة ما تبذل - 00:07:50

المعنى ده مهم اوبي اوبي اوبي لان بعض الناس ممكن يفوته شيء خاصة الاخوات اللي ممكن تتأخر في سن الزواج. ياه بيلونوا
حياتهم ربنا يسددهم اهدينا ويهديهم لما فيه خير ويصلحهم ويرزقهم الزوج الصالح - 00:08:11
تلقيهم مسكونا بوهية كده بوهية الایه؟ الكآبة. بوهية الهم وتبدأ بقى تلون حياتها كلها بال حاجات دي كلها وحياتها كلها بقت تتلخص
فين هتتيجي تقول لها ايه ايه اللي تعبك انا مش متتجوزة - 00:08:27

هي الكلام ده مش هتقوله لك صراحة لكن الكلام ده ممكن تقوله ومع نفسها ممكن تكون دفنته بس هو موجود قوي جوة جوة
عارف بقى موجود في السي مستخبي كده يحتاج انك تدور عليه بس هو ده مأسرا جدا في علاقتها مأسرا جدا في حياتها مأسرا جدا
في القرارات بتاعتها - 00:08:46

بتاعه حياتها ليه هي لونت الحياة كلها بالموضوع ده؟ لان كبرته كبرته اوبي اوبي اوبي. زائد غفر الله لمن حولهم من المجتمع
بيضغط جدا في المفهوم ده بيهدهم جدا في الموضوع ده - 00:09:06

فالشاهد انا لا اقول ان هذا ليس هم وليس هذا كرب وليس هذا كذا بس الدنيا ما ينفعش تقف عليه. لأن الدنيا اقل بكثير انها آآ توقف
عشان الحاجات ديت - 00:09:24

وبعض الناس بقى بيبدأ يهرب بقى يهرب يترجم الحاجة الكبيرة ديت لنية كبيرة بيبدأ يهرب بقى طب يهرب من المواجهة ازاي؟ اخذ قرارات ممكן تأزيني اصلا في ديني وتأذيني في حياتي وتأذيني في كل حاجة بسبب هذه الامر - 00:09:39

ربنا آآ يعلمنا ويفهمنا فنرجع لكلام ابن القيم لانه حساس جدا جدا جدا. يقول انك تحتاج انك تدرك ان في ملف في التزكية الملف ده خفي لكن هيساعدك جدا جدا وهو حضور الدار الاخرة والمتأمل في القرآن المكي - 00:09:56

سيجد هذا الامر بارز جدا يعني الآيات التي نزلت في مكة قبل قبل هجرة النبي صلى الله عليه وسلم من اول بعثته الى هجرته هيجد ان حضور الدار اخرها في حضور مكسف - 00:10:18

حضور مكسف. هذا الحضور المكسف لان هذا هو الشحن وهذا هو البزل انا زعلان جدا جدا مع حد من اخواتي تلاقى الموضوع بقى يسير عنده في يسر شديد جدا في اخر القرارات. يعني في واحد مرة كنا قاعدين قريب كده ففي اصلاح ذات باين وبتكلم واحد فسبحان الله انه 00:10:34

الامر يعني الامر معقد جدا يعني. فواحد ذكر الشباب بالله سبحانه وتعالى والموضوع انتهى فان بعضهم بيستغرب هو الموضوع انتهى ازاي؟ الموضوع اللي احنا كنا بنقول ليس له من دون الله كاشفة. مستحيل ان هو يتفك - 00:10:57

لما حضرت الدار الاخرة اتفك متاخانقة جدا وعاملة مشاكل كبيرة مع اخوك يا شان الورس ومش عارف ايه ومين ياخد الشقة القبلي ومين ياخد البحري ومين اللي ضحك على الثاني وعمل مش عارف ايه والكلام ده كله - 00:11:14

تيجي الدار الاخرة تلاقيه هو بيقول لها لا والله لا انا فقط وانا خايف ولأ يا ستر الكل خدي اللي انت عاوزاه وخدبي بزيادة كمان وهي تقول له لا والله انا مسامحاك انا - 00:11:28

استحضرت الدار الاخرة مسامحاك والاتنين يرموا على بعضهم الدنيا. صح ليه؟ لان الاخرة اما بتحضر في القلب الموضوع بينتهي بینتهي تماما. رکزوا برضو في القاعدة ديت حضور الاخرة في القلب لن يغير مشكلتك - 00:11:38

او اكون اكتر دقة قد لا يغير مشكلتك ولكن سيجعلك تغير نزرتك المعنى ده ضروري يا جماعة نفهمه حضور الدار الاخرة مش هيغير قد لا يغير المشكلة لكن يخليك انت نزرتك تتغير لها - 00:11:55

كنت شايفها هي كل حاجة في الحياة تبدأ تشووفها ان هي حاجة عادية خالص يقول ابن القيم فان ضفت النفس عن ملاحظة قصر الوقت وسرعة انقضائه فليتذر. يعني بيقول لك لازم الموضوع ده يستحضر في قلبك. خاصة - 00:12:14

احنا شايفين دلوقتني الموت قاعد يتخطفوا الناس من حولنا فالناس كلهم قاعدين تتخطف وبعدين الموت قد آآ تعداك ليتخطف غيرك وسيتعدى غيرك ليتخطف فالانسان عما بيستحضر هذا الامر بيكون ايه دايما جاهز - 00:12:33

يعني طب هقول لك على حاجة انت جاهز تموت امتي جاهز دلوقتني هتلacci بعض الناس يقول لأ دلوقتني يا عم الشيخ الله يكرمك ده انا لسه عامل مشكلة محترمة يعني مع والدتي ده انا لسه ملخبط الدنيا في حته كده ربنا يستر - 00:12:56

طيب نسيبك قد ايه شهر كده آآ شهر مش هينفع مش هيكون كافي طيب شهرين مم برضو لأ سنة سنتين عشرة عشرين يعني امتي تكون جاهز متى متى ستستعد - 00:13:09

كل ما هو ات فهو قريب انت لازم تكون مدرك هذه الحقيقة وسبحان الله انا مش جاي اقول لك ان ده يكون عندك يقين اه كل الفطر كل الخلق عندهم يقين في هذا الامر - 00:13:32

كل الخلق حتى الملحد عنده يقين انه هيموت. وبعض الناس يقول لك ما بلاش تجيب سيرة الموت وانا ما بجبنش سيرة الموت انت مش هتموت هو انا بقول لحضرتك ان ما فيش امتحان انت مش هتمتحن - 00:13:52

ان قوم يخوفوننا حتى يأتيانا الامن خير ممن يخوى ويامني حتى يأتياني الخوف. المعنى ده ضروري يا جماعة ان احنا نستحضره اه والخوف لما بيكون صحي بيكون جميل. الخوف اللزیز. الخوف الممتع. واحد بيقول لك خلي بالك انت لو طلعت دلوقتني برة فيه اسد. خلاص بتدىك قاعد جوة - 00:14:05

فالدنيا رايقك ويقول ويتدبر قوله تعالى كانهم يوم يرونها لم يلبثوا الا عشية او ضحاها. الى اخر الآيات. يقول وخطب النبي صلى الله

عليه وسلم اصحابه يوما فلما كانت الشمس على رؤوس الجبال وذلك عند الغروب قال انه لم يبق من الدنيا فيما مضى الا كما بقي من يومكم هذا - [00:14:26](#)

فيما مضى منهم فليتأمل العاقل الناصح لنفسه هذا الحديث وليعلم اي شيء حصل له من هذا الوقت الذي قد بقي من الدنيا باسره
ليعلم انه في غرور واضغاث احلام. وانه قد باع سعادة الابد والنعيم المقيم بحظ خسيس لا يساوي شيئا - [00:14:46](#)
عاوز احقق طموحي. عاوز احقق ذاتي. طيب هو مين اللي قال لحضرتك ان تحقيق ذاتك في الحلة دي مين اللي قال
لك ان تحقيق طموحك في الحلة ديت - [00:15:06](#)

سمعت الناس يقولون شيئا فقلته بلاش تكون صدى صوت اللي حواليك خليك مقتنع بيده بقيمه يعني في محاورة اسمها استرداد
الهوية. آآ ان شاء الله في بومة يعني آآ وكنا اتكلمنا فيها فراسيات قبل كده. فكرة استرداد هويتك - [00:15:23](#)
بلاش تسمع لحد ان يختطف هويتك ويختطف طريقة تفكيرك بعض الناس شايف ان طموحه لن يكون الا خارج البيت مين اللي قال
لك ان طموحك خارج البيت مين اللي قال لك ان تحقيق ذاتك انك ما بتتجوزيش دلوقتني انك ما تخلفيش دلوقتني؟ مين اللي قال لك
الكلام ده - [00:15:47](#)

هو الكلام ده حضرتك جاييه منين يعني من الناحية الطبية ولا من الناحية الهندسية ولا من الناحية العلمية ولا من الناحية التربوية
ولا من الناحية الادارية ولا من الناحية ايه لن تجدي جوابا مقنعا - [00:16:07](#)

لك الا ان تقولي من ناحية الضجيج الاعلامي النسوبي. بس هتلاقوا المعنى ده هو ده اللي مسيطر بدليل النهاردة يعني انصحكم تسمعوه
محاضرات الدكتور اياد عن المرأة اما تيجي تسمعها اه صحيحة وانا احقق ذاتي ايه؟ اللي انا عاوز احققه - [00:16:20](#)
يعني الام اللي قاعدة بتربى ولادها ومش عاوزة تعمل اى حاجة الا ان هي تركز مع ولادها. دي ام فشلت في الحياة اه دي فشلت في
الحياة عند كثير مش هقول من الاخوات من النساء بل من الناس اللي بتدعى انها فاهمة الدين - [00:16:43](#)
ان انا النهاردة اما اكون منقطع لتربيه اولادي. انا دلوقتني ممن حققت ذاتي ممن حققت طموحي ممن حققت كذا لو عاوز تحقق
طموحك وعاوز تحقق ذاتك التحقيق الحقيقي انك تحقق ده في صحيحتك - [00:17:03](#)

انك تحقق ده في الصحيفة بتاعتكم الكلام ده هينفعك الكلام ده هو ده ان لازم تتطلق من خالله اما ان حضرتك تزن ان تحقيق الطموح
هيكون انك بتبعد عن الشرع - [00:17:27](#)

هو انك تتحفف منه؟ لا والله يا جماعة الله سبحانه وتعالى في اواخر سورة الحشر يقول الله سبحانه وتعالى لا يستوي اصحاب النار
واصحاب الجنة ص؟ اصحاب الجنة هم الفائزون. وكان المد ده عشان قلبك يمتد معه. وروحك تمتد - [00:17:54](#)
والمعنى ده يتربص في قلبك متى يظهر الفريق الفائز؟ هل في بداية المباراة او في نهاية المباراة؟ يعني في
فريقين دلوقتني بيلعبوا في فريق كسب الثاني - [00:18:20](#)

يعني في حاجة تلاقي مسلا في بعض مباريات كرة القدم تجد ان البعض كسب الفريق كسبان الفريق الثاني حوالى يمكن ثلاثة صفر.
وباقى حوالي خمس دقائق على المباراة. تلاقي الفريق الثاني يجيب اربع اهداف فيخمس دقائق دي - [00:18:36](#)
ويكسب فمين اللي هيكتب الله سبحانه وتعالى يقول اصحاب الجنة هم الفائزون. هو ده اللي حقق طموحه فانت لازم تبقى كوييس
 جدا اي حاجة تمارسها في حياتك في محاك في مماتك لازم تسأل نفسك. ده دلوقتني هيتنقل - [00:18:53](#)
ميزانى ولا ؟ لأن هو ده طموحى ايه طموح؟ ايه اللي يحقق ذاتك؟ ان انا اكون امة صالحة فاللة ايه اللي حقق طموحك ان انا
ادخل الجنة ايه اللي يحقق طموحك ان صحيحتي - [00:19:15](#)

آآ تكون آآ الحسنات فيها تنقل. اللي يحقق طموحك ان يفتخر بي محمد صلى الله عليه وسلم اني مباه بكم الامم. ايه اللي يحقق
طموحك اللي انا امسك كتابي بيمني واقول هاوم. وامد بقى صوتي عشان الناس كلها تسمع. هاقوم اقرأوا - [00:19:31](#)
تعالوا اترجعوا شوفوا اترجعوا على الطموح ادي الشغل. شوفوا اترجعوا على السطر ده. شفت في الصفحة دي؟ الصفحة دي كتبت
بحق فيها طموح بالليل وانت كنت نايم والصفحة دي كنت بحق فيها طموح بالنهار وانت نايم. والصفحة ديت كنت بحق فيها كذا.

تعالوا نشوف السطر ده بقى. اه ها قوم اقراؤا. تعال بقى ما فيش رباء النهاردة. تعال - [00:19:51](#)
اتفرج سبحان الله! هو ده التكريم الحقيقي انك تتحقق طموحك اقرأ وارتقي فان منزلك عند اخر آية كنت تقرأها. لو حققت طموحك
اه هو ده الطموح. ان لازم يكون يزاح - [00:20:11](#)

هو ده الطموح الكلي اي طموح تحت ما فيش مشكلة. بس ده الطموح الكلي ان لازم يكون موجود في عقلك وموجود في قلبك انك
عاوز تفتخر يوم القيمة وان كل التكريم التكريم الالهي ده للناس كلها ت Shawf الجن والانسان والملائكة وكل - [00:20:25](#)
الخلق من ايام ادم الى ان يرث الله الارض ومن عليها. كل دول بيتفرجوا على ايه؟ بيتفرجوا على الاخت فلانة. اللي حققت طموحها.
وحققت زاتها والنهاerde بيتقال لها فان اقرئي وارتقي. اقرئي وارتقي. هو ده الارتقاء الحقيقي - [00:20:45](#)

هو ده الارتقاء الحقيقي. فلاش يا جماعة ننتزع الفاظ ونضعها في غير محلها. كما قال الله سبحانه وتعالى لمن شاء منكم ان يتقدم او
يتأخر يتقدم الى الطاعة هم دول الناس المتقدمة يقول لك ايه والله الاوروبيين دول متقدمين - [00:21:03](#)
بلاش تقول الفاظ الالفاظ ديت بعد كده آآ تنتزع. لا لا هؤلاء ناجحين في الدنيا ممكن تقول اللفظ ده طول ما هم ناجحين في الدنيا. اما
التقدم الحقيقي ان تتقدم في طاعتك. وان تقدم في رضا الله سبحانه وتعالى - [00:21:22](#)

هذا الامر ضروري استيعابه جيدا فالنبي صلى الله عليه وسلم يخبرنا ان خلاص انتبهوا انه لم يبقى من الدنيا فيما مضى الا كما بقي
من يومكم هذا فيما مضى منه. فليتأمل العاقل الناصح لنفس هذا الحديث وليرعلم اي شيء - [00:21:41](#)

ان حصل له من هذا الوقت الذي قد بقي من الدنيا باسرها ليعلم انه في غرور. واضغات احلام وانه قد باع سعادة الابد والنعيم المقيم
بحظ خسيس لا يساوي شيئا. ولو طلب الله سبحانه وتعالى والدار الاخرة لاعطاه ذلك الحظ هنيئا موفرة. واكمel - [00:21:59](#)
منه كما في بعض الالثار ابن ادم بع الدنيا بالاخرة تربحهما جميعا ولاتبع الاخرة بالدنيا تخسرهما جميعا. اعتبروها ان هي فائدة وقاعدة
في الحياة في التزكية وقال بعض السلف ابن ادم انت تحتاج الى نصيبك من الدنيا - [00:22:19](#)

وانت الى نصيبك من الاخرة احوج. فيه آية بتتكلم عن النصيب في آية جابت هذا اللفظ. في سورة ماذا ولا تنسي مم ولا تننس نصيبك
من الدنيا. نركز تلاتين سانية مع الآية دي. ولا تنسي نصيبك من الدنيا. اللي يقرأ الآية دي يعني واحد مسلم. بيقرأ الآية دي
اول مرة - [00:22:39](#)

بيستشعرني بيستشعر ان الآية بتقول لك ايه؟ يا عم مش كلها اخرة مش تننس نصيبك برضو من الدنيا صح ولا بيستحضر ان الآية دي
بتقول له ايه؟ يا عم كلها دنيا. فما فيش مشكلة بيقى فيه ايه؟ حبة للآخرة كده - [00:23:06](#)
ها اي حاجة انت وانت بتقرأ الآية دي بتفهمها ازاى ولا تنسي نصيبك. يعني انت شغال اخرة اخرة يا حاج يا حاج. ما تنساس الله
يكرمك بس النصيب بتاع الدنيا الله يعزك ويبارك فيك. انت لك نصيب خلي بالك فيه امور - [00:23:20](#)

امور دنيوية انتبه لها. صح للاسف الشديد النهاردة الآية متغيرة صح وبقينا احنا آآ بقينا احنا بقينا بسبب الكارت الارهاب بتاع الناس
بقينا بنخاف حتى نقول الكلام ده انت عشان الناس ما تقولش اه بقى انت شغل الوعظ دا بقى والتخييف بتاع الدار الاخرة والربع دا
عم الشيخ فك بقى الله يكرنك انت تقول لا لا دا احنا بنقول برضه التوازن - [00:23:35](#)

وان احنا برضو والعمل وال عمران الطبيب المسلمين والسباك المسلم برضه ما اعرفش ليه مش منعوش سباك مسلم يعني. يعني كل شوية
يقول لك ايه يقول اسلام تحتاج الطبيب المسلمين والمهندس المسلمين هو المسلمين والاسلام ده مش تحتاج سباك مسلم برضو. ومش
محتاج نجار مسلم. ومش محتاج خباز مسلم ولا لازم دايما المهن العالية - [00:24:02](#)

حتى في الالفاظ لازم يقول لك الالفاظ اللي هو متأنس بها ومضغوط عليها يقول لك محتاجين الاعلامي المسلمين ومحتاجين المبرمج
المسلم ومحتاجين برضه يا جماعة بتاع امام المسلمين عادي جدا يعني محتاجين ان سوق الميكروبايز المسلمين. يعني ليه دايما احنا
محتاجين المهن العالية دي ليه؟ لان دول هيخشوا الجنة - [00:24:22](#)

طب والثانيين يعني ان شاء الله بازن الله هيكونوا مع الولدان المخدلون كده بيخدموا الاخوة ليه؟ ما هم زي ما كانوا خادمين في
الدنيا هيخدمنا في الآخرة يعني في ناس على فكرة يا جماعة دي الممارسة بتاعتتهم الدنيوية هو شايفها هو عايش على المعنى ده

ولو ما قلش كده. هقول لكم دليل - 00:24:42

او بعض الزواهر يعني كتير منا يقول لك ان التفوق الدنيوي انا عاوز ابني يتفوق دنيويا والله عشان الاخرة تابعيوني في عينك
كده والله عشان الاخرة. وعشان يخدم دينه مش يخدم دينه والكلام ده كله. يعني انت عاوزه عشان يخدم دينه - 00:25:01

اه طب هو خدمة الدين ممكن تبقى فين؟ بص اقولها لك في سلاسي اصوات المسرح طب هندسة طب طبعاً بمشتقاته اي حاجة فيها
حرف الدال. وهندسة ولا بأس شرطة او اي حاجة من الكليات الشرطة والعسكرية والكلام ده. ممكن - 00:25:18

لكن انا اخشى اخشي ابني بيقى ملحد لو دخل تجارة او دخل علوم خايف وخايف من الردة لو دخل تربية او ادب يا خوفي بقى
من انه يتنصر لو دخل بقى صنائع كده بقى خلاص اما ضاع - 00:25:37

ففي بعض الناس بعض الناس ابنه النهاردة يجيب مسلا مجموع ان كان نفسه يدخل طب بشري. فابنه جاب آآ علاج طبيعي مدايق
ومكروب ومهموم فتيجي تقول له خير يا حاج - 00:25:54

انت متضايق عشان ابنك خلاص قدر الله وشأن مشروعك في الآخرة اللي كت هتفاخر به النبي تقول له يا رسول الله الدكتور عمرو
اخش يا دكتور عمرو سلم هو ده - 00:26:09

اللي كان شاغلك هو ده اللي عمل لك الكآبة والهموم اللي على وجهك ديت ولا ايه اللي عمل لك؟ انت متضايق ليه
هل انت متضايق؟ طب ابنك بزل اللي عليه؟ يقول اه والله تعب وبتاع. طب ايه اللي مضايقك بقى؟ ابنك قام بما عليه ولا عليه.
خلاص بقى - 00:26:19

ايه اللي مضايقك اللي متضايق حقيقة يا جماعة اللي بيضايقنا او بيضايقنا او بيدايق كتير منا بلاش نعم اه بل تؤثرون الحياة الدنيا بس هو هي
ديت الموضوع ولذلك انا بقول لكم الكلام ده ببيان اثره على لساننا واحنا بنتكلم - 00:26:35

يعني اقول لك على حاجة بيدخل ابنك اتسلم بيسلم على حد من المجتمع اللي هو قاعد كده آآ الدكتور عمرو اللهم بارك وآآ ما شاء الله
آآ جوز بنتي اشرف. لسه واحد آآ دبلومة بي ام بي ولا ام بي ايه - 00:26:56

وحاجة يعني واحدها من برة على فكرة مش من جوة لان انت عارف اللي جوة ده يعني ما ينفعش بقى زي الناس اللي بياخدتها من
جوة طب بنتك اللي ختمت كتاب الله - 00:27:12

لا يعني كويسة الحمد لله ربنا يحفزها والله انا خايف عليها. خايف عليها اهتمامها بالقرآن كده مش يعني هتضيع هتضيع مسكينة
والله قلقان جداً عليها لان البنت من يعني ايه بدأت اقلق كده بتراجع كتير اقول لها يا بنتي يا بنت يا بنت الحال على فكرة حفظ
القرآن مش واجب. على فكرة انا - 00:27:24

انا جدو شيخ على فكرة وكان عمي ازهري خلاص ومااما كانت دكتورة في كلية تربية واحنا فاهمين الكلام ده وانا كنت بقرأ على فكرة
مصطفى محمود والشعراوي على فكرة وانت صغيرة - 00:27:46

على فكرة كل الكلام اللي انت بتقوليه ده مش واجب اه بس البي ام بي فرض عين طبعاً. او الام بي ايه؟ فرض كفاية فتلaci ان كله
يعني تناقض. طب التناقض ده جاي ليه - 00:27:56

عشان كده يا جماعة من اكتر الحاجات اللي تريحك في حياتك انك توجه نفسك واجه نفسك يا عم بص كده في مرايتك. حاسبو
انفسكم القاعدة العقارية العمرية بتاعت عمر بن الخطاب حاسبو انفسهم قبل ان تحاسبوا. يا عم ما تحاسب نفسك يا عم -
00:28:11

تقف مع نفسك كده وبهدوء وبرضو وانت بتضحك يعني بص في المرأة واضحك. احنا مش عاوزينك كآبة قدامك تعيط. انا مش
بقول لك حاسب نفسك الكلام ده انك ايه تدخل بقى في كده في حياتي عين كله - 00:28:30

راح وكله مآسي وكله مش عارف ايه وتدنك تعيش في فكرة الضحية والكلام ده لا لا ابداً. الدنيا بسيطة خالص والدنيا آآ يسيرة
فسبحان الله يقول بعض السلف ابن ادم انت محتاج - 00:28:40

الى نصيبك من الدنيا وانت الى نصيبك من الآخرة احوج فان بدأت بنصيبك من الدنيا اضعت بنصيبك من الآخرة وان كنت من نصيبك

الدنيا على خطر. وان بدأت بتصيبك من الاخرة فزت بتصيبك من الدنيا فانتظمته انتظاما - 00:28:56

دائما شوفوا يا جماعة ايه شوفوا الاخرة فين والدنيا فين يعني الاباء اللي بيسبيوا ولادهم يسافروا جامعات مختلطة ويحتكوا بهم ويسافروا في في مدينة تانية ورايحين جايين لوحدهم وبتاع والكلام ده كله - 00:29:14

وخلالص لا انا لقيت فتوى كده مش عارف للشيخ حودة والشيخ حودة بيقول لا بأس بالمسألة طالما مش عارف ايه والكلام ده كله.
الفكر يا جماعة مش في الفتوى. المشكلة يا جماعة في - 00:29:33

الواقع الواقع لازم تبقى فاهمه كويس قوي قوي ومدركه انت التجربة بتقول لك ايه والواقع الواقع بيقول لك دلوقتني ان الموضوع اتحبس في الفتوى يعني آآ بنتي عاوزة تسافر آآ مطروح. في فسحة مع زمايلها - 00:29:44

وبتقول ايه المشكلة يا ماما انك آآ معادي لما اخويا هيسافر معى ويوصلنى ويرجع مساكين والله مساكين الناس اللي بتفكر بالطريقة ديت. اباء مساكين وامهات مساكين. والدنيا كلها مساكين. عارفين ليه؟ لأن دول بيصلوا تحت رجلهم - 00:30:01

كان الشرع كان الشرع يعني بالله عليكم عشان نفهم مقاصد الشريعة هل الوحي هل النبي صلى الله عليه وسلم كان خايف من البنت؟
خايف على البنت انها تسافر لوحدها الطريق بس لكن تقعدي في المكان لوحدها يعني تقعدي في مطروح - 00:30:17

هتقعد خمس تيام لوحدها عادي. بس اهم حاجة الطريق. اصل الطريق ده بقى فيه خطاطيف. فيه شباب وحوش. دول هيخطفوها.
صح بعض الناس بيعامل كده بعض الناس يقول لك ايه اصل انا هوصل بنتي انا العين السخنة وارجع. اه وتعمل ايه بقى هي في العين السخنة - 00:30:34

هتقعد بقى مع زمايلها بقى اه ما شاء الله يعني هتقعد بقى مع بنات في اولى جامعة وتانية جامعة يقعدوا بالاسبوع صح؟ اه
وحضرتك قاعد بقى بتقرأ قرآن بتقرأ سورة الانفال في - 00:30:52

انت في الزقازيق بعد كده. اه وان شاء الله بس على فكرة قايل لها ايه شوفي حزاري تيجي انا اللي هاجي هاخدك. ليه؟ اصل الطريق يا شيخة انت عارف طبعا النبي صلى الله عليه وسلم نهى عن سفر - 00:31:03

را بوحده لكن تقدعي ايه؟ تقدعي عادي كده وتنفع في مكان ثاني لوحدها صح؟ هو ده اللي احنا هل هل ده فهم هل هي دي الشريعة؟
هل ده الاسلام يقول لنا كده؟ سم هنقول بقى ان الكلام كله هنقول الكلام ده كله حلال. الواقع بيقول لكم - 00:31:13
الواقع بيقول لكم ايه؟ بيقول لكم كمية الفساد اللي بتتعرض هنقول ان البنت كويسبة. خلينا بس احنا ما يعني لا لا يعني لا نتهم احد
البنت في غاية الرقي الایمانی. لكن البنت الطيبة ديت انت اما بتسيبها تتعرض لده يا جماعة. اقول لكم حضراتكم دلوقتني - 00:31:30

وكلكم اهل خير نحسبكم الله يحاسبكم. هو حضرتك اما تعرض نفسك لكمية اعلانات سيئة وانت بتفتح اليوتيوب بتتفرج على حاجة اعلانات قزية مرة واتنين وتلاتة وعشرة وبتاع ايه اللي بيحصل لك - 00:31:52

لو سرحت ممكن تروح فين اكيد انت عارف انت ممكن تروح فين وعارف ان في فنات راحت في حة قبل كده طيب الناس دي
دلوقتني لما ا تعرضت لكسافة معينة من الاخطاء النهاردة طيب بنتك النهاردة تدخل جامعة خاصة - 00:32:05

ورايحة جاية في الجامعة الخاصة وبعيدة عنك. تيجي بعد شوية تقول لك عم هو حكم اللي انا آآ اخرم ودني خرم جديد غير الخرم
الاصل حكمه ايه؟ اصل انا شفت فتوى للشيخ هاني - 00:32:20

والشيخ هاني قال لا بأس به. طب جميل الشيخ هاني طالما قال لا خلاص طالما الشيخ هاني ده الشيخ هاني طبعا كلام كفتوى يعني
خلاص طالما انت جبت وعلى فكرة يا خالو او يا عم انا عرفت المسألة فيها خلاف سائر ما شاء الله لا قوة الا بالله انت بتدرسوا
الخلاف السائغ برضه في الجامعة؟ طيب عدين اللقطة - 00:32:37

ديت تبدأ بقى مع الدنيا تبدأ تدرج معك. تبدأ تقول لك آآ طيب وما حكم ان انا اعمل حلقة في آآ في لسانى او قد وصلتم الى هذا؟ اه
لا الشيخ هاني قال المسألة دي لو للمحارم بس - 00:32:57

آآ برضو ممكن تعدي بس انا قلقت بقى عم ايه الموضوع بقى طلي اللسان ومش اللسان وبتاع والكلام ده كله. طيب البنت دي كانت

كويسيه البنت دي مؤدية البنت دي محترمة فعلا وكويسيه اووي. ايه اللي - 00:33:14

تفکر کده کمیة کمية الصورة یا جماعة رینا قال للنبي صلی الله علیه وسلم لا تمدن عینیک الضغط الضغط ده مش هتقدر تغمض عینیک وروتانا قالتها. مش هتقدر تغمض عینک. فالنهاerde بتعرض نفسك للكسافة دي - 00:33:28

ايه اللي هيحصل لك بعد كده طبعا انا مش هكلمك بقى في الناحية الایه المادية والاقتصادية طبعا حضرتك زمان كنت فاكر بنتك اما تدخل الجامعة الخاصة هتبعد معها بقى السنديوتشات البسيطة دي وتأخذها معه اه ده كان زمان ده ايام ما كنا فين ؟ في ثلاثة ابتدائي

00:33:47 -

لوقتي لا الناس كلها بتناكل من ماك انا انت اترضاها ليه اترضاها ليه بعد ما ادخل بمية وتلاتين او مية وخمسين الف اكل من آآآا
اخد سندوتشاتي معى ؟ انت شاييفها كده فتببدأ تشرب هذه الامور تشرب - 00:34:03

اخد سندوتشاتي معى؟ انت شاييفها كده فتبدا تتشرب هذه الامور تتشرب - 00:34:03

هذه القيم وتبدأ تشرب هذا الكلام. ويأج جماعة البنت الطبيعي الطبيعى المتكشفة جازية. فاما تبقى الايمان اللي البنت منها لابسة
نستقلان معاً على شهادتها عز حاجة كده انس انت تستحق انا، تم ٢٠١٩ - ١٩:٣٤:٥٠

سیست تلبس والی على شماها يعني يعني حاجة کده لبس انت تستحي انك توصفه - 00:34:19

طيب اه وطبعا العطر نفاز ومش عارف ايه الكلام ده كله. ما هو بنتك مسكينة غلباة خارجة من البيت بتقول ابي وامي وتقول حضرتك وبتاع ايه اللي بيحصل؟انا بعرض قلب البنت دي اللي هو على الفطرة قاعدة عمالة تضغطه جامد جدا في الفتنة. واضغطه

جدا واضغطه وهي تهرى فى - 00:34:39

وتشوف كل البنات حتى مي المحترمة المنتقبة بنت طنط ليلى بتكلم برضه في حدود الایه هات تلخيص بتاع المحاضرة والحمد لله عمرها ما اتكلمت. يمكن حتى شيماء لما ضحكت بصوت عالي مي قالت لها على فكرة لا يجوز ان احنا نتكلم بصوت عالي

كده احنا مع بعض اه نقدر مع بعض في المشروع - 00:34:58

ونتكلّم والضحك في إطار المشروع. مش في خارج المشروع بعد شوية تلاقي بقى البنت المسكينة ديت تروح فين منك تيجوا بقى حضراتكم تقولوا لي ايه على فكرة اصل آآ الشیخ آآ عبدالمجيد قال جائز. شیخ مین یا جماعة؟ موضوع مش في الشیخ ده دلوقتى

والله مش - 00:35:18

وهتبسوا وتشخشو وتجيبوا لنا اي فتوى. وانا هقول لك جائز. بس يا جماعة دي الخير. يعني انا مسلا ايه الشارع ده الجائز اللي
انا امشي فيه؟ اه جائز انك تمشي في الشارع بس - 00:35:41

انا امشي فيه؟ اه جائز انك تمشي في الشارع بس - 00:35:41

بس الواقع بيقول ان في ولاد واقفة في اخر الشارع دي بتعاكس البنات. فانا لما اقول لك لأن ما تمسيش في الشارع ده. اه شف بقى التشدد وشوف بقى التخلف وشوف بقى كزا - 00:35:51

التلخلف وشوف بقى، كزا - 00:35:51

يا عم امش في الشارع الله يعيديك تيجي بعد آلا ساعة تسمع الصویت و بتاع وايه في ايه؟ ان تعرضت لازمات. عافانا الله واياكم كل بنات المسلمين فازا نحن لا الله يكرمكم انا لم اتكلم بكلمة في موضوع الجواز وعدم الجواز عشان ما حدش يقولني كلام انا ما قلتلوش. انا ما بقولش ان - 00:36:01

ما بعوشن ان 00.50.01

من اللي حضرتك حابساه في الاطار النزري ده - 00:36:22

لهم إنا نسألك لغافر الذنوب وغفارة العذاب

ومستقيمين. لكن مش عاوز اقول معذورين اتحطوا في طريق الطريق كله صعب والنبي صلى الله عليه وسلم يقول - 00:36:39

٠٠:٣٧:٥٢ - حاجة مانشستر في شارع ابراهيم والخليفة

هذا الشارع نهيت ايه؟ اما تبقى سايب آ برج فلسطين فندق فلسطين في ضهرك. نهايته ايه طبعا اللي عارف منكم الطريق ده وبتاع آ

00:37:17 عارف ان نهایته الحرم. وانت ماشي في الشارع ده هتلaci يمين وشمال ناس ايه لابسة الاحرام. وناس رايحة -

الكعبه الطربه ده، رابح علی، الكعبه فايما طربه سلكت و دت علی، اهله طب الله، ماشر، يق، في، شارع مش، هقو، اسماء الشارع ده

بقي كله يعني مش عاوز يعني سبحانه الله لسانى عاوز هيفلت. المهم يعني في طريق كله آآ مقاهي - [00:37:37](#)
وبتاع والكلام ده كله شوفوا الفطرة كان في حد من رجال الاعمال الكبار قوي يعني هذا الرجل ما رأيت مثله قط في حياتي في الانفاق في الدعوة مع الدعوة كدعوة في ناس بتتفق كثير على المساكين واليتامى وكده لكن اللي ينفق على الدعوة كدعوة كمسجد
[00:37:58](#) كطلبة علم تحفيظ القرآن دي ناس نادرة -
دي ناس على فكرة معدودة في الامة يعني مش هتقدرها تعدوهم. الانفاق اللي في الناس اللي بينفقوا على اليتيم وتجهيز العروسة والمادية والنور والكلام ده ناس كثير قوي لكن اللي ينفق على الدعوة - [00:38:23](#)
كتاب يطبع مش عارف موقع يفيد الأطفال مش الحاجات دي دي ناس نادرة في الامة ودول بقى الناس اصحاب الوقف المعنوي العالبيين يعني. المهم الرجل ده الفطرة عالية اوبي يقول لكم ان الفطرة بتكون حساسة - [00:38:35](#)
مرة كنا في آآ مشوار كده قريب من الجامعة الامريكية بنخالص حاجة كده كنت انا وهو فعادي قال بقول لك ايه ما تيجي ما ما ناك حاجة. فقلت له الشارع ده آآ مش هناكل منه حاجة. يعني غالبا - [00:38:51](#)
صعب فخلينا بس ايه ناك تعلالى تعالى بس المكان ده انا دخلته قبل كده كويسي يعني فقلت له العهدة عليك اول ما دخلت كده فهو سبوني شوية يعني هو سبوني وانا كنت لست بخلاص حاجة في العربية كده وهنزل - [00:39:08](#)
وانا نازل لقيته راجع ووجهه كانه فلق حبة رمان من الحباء والخجل والقلق وراجل كبير او بدو قريبين من سنى يعني قل لهم قال لك اه فلان. قال لي والله رأيت اوجدت اه بنات ترتدي ثياب محمد والله احفظ - [00:39:26](#)
والله يا ام احمد ما بتلبسه لي في البيت. هذا لفظه. فسبحان الله! يعني الرجل صعق لما شاف الكلام ده وجري يعني جاي يجري يقول لي لا لا لا فسبحان الله - [00:39:48](#)
وهو راجل يعني مش راجل كمان بسيط وغلبان لا راجل ساكن في اماكن يعني حياتهم كلها عالية قوي يعني نحسبه الله حسيبه فانا مستغرب قلت لهم عشان كده قلت لك بلاش الشارع ده. قال لي لا اصل انا من فترة جيت قلت له لا ده ده كان قبل ايام ايام البعة. ايام ما كان يعني ايه - [00:40:04](#)
كان في اسار النبوة في المنطقة دي فللاسف الحاجات دي بقت فيها الف. انت النهاردة عند بنتك وعند ابنك زرة آآ مقاومة لهذا الامر بلاش بلاش تخلي بنتك تألف المعصية - [00:40:23](#)
سيب الانكار في قلبه يكون موجود. طيب ايه اللي بايدي؟ اللي بايديك حاوي بقدر الامكان وطبعا انا بكلم البنات برضو واكلم كل الرجاله واكلم كل حد. حافظ على فطرتك على قد ما تقدر. لانها لو اتشوشت - [00:40:41](#)
والنبي صلى الله عليه وسلم قال في كل قلب انسان يعني في كل انسان يعني فيه واعظ الله في قلبه كل امرئ مسلم. واعز الله بلاش بلاش تكتم واعظ الله اللي في قلبه - [00:40:57](#)
انك اما تشوف حاجة غلط والواعظ ده يقول لك ايه على فكرة دي غلط دي حاجة وحشة ده ما ينفعش اتق الله الكلام ده لا يجوز. اما تشوف بنت لابسة كده ولا بنت بتتكلم بصوت عالي ولا بتتكلم بطريقة معينة - [00:41:10](#)
بلاش تسكت واعظ الله سبحانه وتعالى فاحيانا فارجو ان تكونوا استعانتوا بالاستطراد الطويل ده لانك خشيت انه يخرج تخرجوا ان انا قلت ان لا يجوز او يجوز انا لا اتكلم - [00:41:27](#)
في الاطار الضيق ده احنا بنوسع بنبض على الاطار كل فمرادي ان احنا نحافظ على المفاهيم نحافظ على الحاجات دي تبقى نقية يا جماعة اللي عاوز يحافظ على قلبه لازم يدي وقاية - [00:41:42](#)
حافظوا على الاسلاك الشائكة وبلاش تجتازوها وبلاش ترخصوها في قلوب اولادكم فيقول وكانت من نصيب الدنيا على خطروان بدأت بنصيبك من الاخرة فزت بنصيبك من الدنيا فانتظمته انتظاما. نصيبي من الدنيا اللي انا احق طموح النجاح - [00:42:03](#)
اصل نصيب الآخرة اللي انا حققت الفلاح والفالح مقدم على النجاح انا دلو قتي عاوز ازاكر واقدم الشيit بتاعي. سمعت ازان الفجر. سيب اللي في ايدي. ليه؟ لان قد افلح المؤمنون وحي على الفلاح. حي على الفلاح مقدمة على - [00:42:20](#)

على النجاح بقى اسيب اللي في ايدي. ليه؟ خلاص داعي الله والدتي وانا قاعد بتتاديني يا محمد اروح اسيب اللي في ايدي كان احد
الائمة الكبار اظنه آآ كان على رأس الاحناف - 00:42:38

والدته كانت تنادييه وهو في المجلس. مجلس العلم يقول له قم ضاع الطعام للداجن نعم هو ابو حنيفة. فكان يوم ويسيب المجلس
يحط الاكل للفراخ ويرجع ياه ازاي يا شيخ ده انا بحفظ القرآن واقول له والدتي ان انا ترن علي وما بيردش. وانا في الحلقة بقول له
ما بردش على امي وبتاع. لا - 00:42:54

اخذته لوالدتك انا عندي موعد وكل حاجة وهي ان شاء الله تحاول تزبط امورها لكن في النهاية لانك انت مطالب انك ترد ده العلماء
قالوا لو انت بتتصلي السنة وهي اكثرت من النداء ترك السنة - 00:43:21

وانتم بتتصلي؟ اه وانت بتتصلي. يعني انت بتتصلي قيام الليل؟ اه بصلبي قيام الليل. وانت في الاعراف كده وخلاص بقى وصلت لايه؟
لقصة سيدنا موسى هو واخيه والكلام ده خلاص قربت تخلص - 00:43:34

وعدد مرة تنادي عليك مرة واتنين وتلاتة وما سمعتكش وانت تعلي صوتك ما سمعتش خلاص سيب الصلاة اه الرقي ده بقى يا جماعة
ده رقي الاخرة يعني ده ما حدش هيعرف يتعامل معه الا الانسان اللي عنده الاخرة رقم واحد في حياته - 00:43:44

هنا ده ده مفهوم بقى ان فيه موت وان فيه اخرة. هو ده اللي يخليك تاخد القرارات دي يعني انت بتتصلي اهو والدتك بتتادى
هتسبيب اللي في ايديك. انت بتزاكرو والدتك بتتادى هتسبيب اللي في ايديك. المعاني دي العمق ده اما تكون الاخرة حاضرة فيك بيأسرك
فيك. هل معنى الكلام - 00:43:59

فخلالك بقى انت قاعد بتتصلي بتعيط ولا انت بتزاكرو بتعيط ابدا بس خلى الاخرة هي المحرك هي الدافع هو القرار القرار الصح اللي
هاخده ايه اسأل الله سبحانه وتعالى ان يسددنا واياكم ويقبل منا ومنكم صالح الاعمال - 00:44:15

اه ارجو ان يكون فكرة ابن القيم في موضوع الدار الاخرة ديت يعني يعني ان شاء الله لو فرأتها هتسنعواوها اكتر لكن الهدف ان اللي
يركز في الدماغ ان احنا ندرك تماما الا ترون انكم في كل يوم تشيعون غاديما الى الله - 00:44:30
رائحا قد قضى نحبه وانقطع امله فتضعونه في بطئ صدع من الارض غير موسد ولا موهد كما يقول ابن عمر ابن العزيز. المعاني دي
والله سبحانه الله يا جماعة آآ من - 00:44:50

ما لها لن يجعله دائمًا في كآبة ولا في حزن. بالعكس يجعلهم في دائمًا في راحة ليه؟ لأن النتيجة طلعت بالنسبة له النتيجة طلعت
خلاص الحياة يبيص فيها ايه بهدوء بتركيز - 00:45:03

عشان كده بعض الناس كده يبقى قاعد في مجلس كده يقول له يا اخي سبحانه من اعطاك السكينة. انت هادي قوي ومش قادر ولا
حاجة هو القصة كل الموضوع ان هو شاف الموضوع ده بسيط انت مكبره او - 00:45:19

وقال لي ورحنا وجينا انت مكبر الموضوع ده ليه؟ ايه ده؟ الموضوع بسيط وركز ووسع صدرك. الموضوع هيتحل فاسأل الله ان
يطمئن قلوبنا ويريح بالننا وبالكم. ويحفظنا واياكم ويقبل منا ومنكم صالح الاعمال. واسأله سبحانه وتعالى لي ولكم حسن الخلق
- 00:45:31

وحسن العمل وحسن الختام. اقول قولي هذا واستغفر الله لي لكم. السلام عليكم ورحمة الله وبركاته - 00:45:53